

Akhir zaman merupakan suatu zaman menghampiri saat berakhirnya usia dunia. Suasana mencabar dapat dirasakan dengan hadirnya satu persatu tanda-tanda kiamat kecil dan sederhana sebagaimana ternungkil dalam hadis dan riwayat Nabi Muhammad SAW dan para sahabat. Rentetan dugaan hebat yang melanda segala aspek dan penjuru termasuk akhlak, aqidah, syariat, ekonomi dan ibadat, orang yang beriman pasti akan tercari-cari apakah bekalan dan persiapan untuk menyelamatkan diri dari fitnah ini dan apa yang dapat dibawa ke alam barzakh nanti. Buku ini merupakan edisi yang kedua diterbitkan dengan penambahan empat bab baru berbanding penerbitan pertama dahulu. Ini merupakan usaha berterusan pihak pengurusan Masjid Sultan Haji Ahmad Shah, Pusat Islamisasi CENTRIS bagi memberikan beberapa panduan dan pencerahan dalam memahami hakikat akhir zaman dan tips menghadapinya berdasarkan dalil dan nas yang sahih daripada sumber al-Quran dan al-Sunnah. Semoga dapat menjadi pegangan yang praktikal bagi mendepani cabaran akhir zaman.

ISBN 978-967-491-072-3




(603) 6421 5014 / 5018
(603) 6421 6298
iiumbookshop@iium.edu.my
iiumbookshop.com
www.facebook.com/iumpress
www.instagram.com/iumpress/
https://twitter.com/PressIium



Titian AKHIR ZAMAN EDISI KEDUA

Mek Wok Mahmud Raudlotul Firdaus Fatah Yasin Mohd Puzhi Usop

IIUM
Press



MEK WOK MAHMUD memperolehi ijazah pertama dalam jurusan Undang-undang (1989) dan Diploma dalam bidang Pendidikan (1990). Seterusnya Ijazah Sarjana dalam bidang Ilmu Wahyu di UIAM. Kemudiannya memperolehi PhD dalam bidang Syariah di International University of Khortoum, Sudan pada tahun 2000.

RAUDLOTUL FIRDAUS FATAH YASIN graduan sarjana muda Usuluddin - Tafsir Universiti Al-Azhar Mesir (2001). Menyelesaikan tamhidi Masters dalam bidang yang sama (2003) di INSANIAH (UNISHAMS sekarang). Memperolehi sijil Masters dalam bidang Pengajian Quran dan Sunnah UIAM (2006) dan PhD dalam bidang yang sama pada tahun 2012.

MOHD PUZHI USOP graduan sarjana muda dan Diploma Pendidikan dari UIAM. Beliau kemudian melanjutkan pelajaran di peringkat sarjana dan doktor falsafah di Universiti Malaya dalam bidang pengajaran bahasa Arab. Kini beliau bertugas sebagai pensyarah bahasa Arab di Centre for Languages and PreUniversity Academic Development (CELPAD), UIAM sejak 1999.

Titian
**AKHIR
ZAMAN**

Titian

AKHIR

ZAMAN

EDISI KEDUA

Disunting Oleh
Mek Wok Mahmud
Raudlotul Firdaus Fatah Yasin
Mohd Puzhi Usop

Dengan Kata Pengantar Oleh
Dato Seri Dr. Hj. Zulkifli Mohamad Al-Bakri
Menteri di Jabatan Perdana Menteri
(Hal Ehwal Agama)



**IIUM
Press**

Gombak • 2021

Cetakan Pertama, 2020

Cetakan Kedua, 2020

Edisi Kedua, 2021

©IIUM Press, IIUM

IIUM Press ialah ahli Majlis Penerbitan Ilmiah Malaysia - MAPIM
(Malaysian Scholarly Publishing Council)
Persatuan Penerbit Buku Malaysia - MABOPA
(Malaysia Books Publisher Association)
No. Ahli - 201905

Hak cipta terpelihara. Tiada bahagian daripada terbitan ini boleh diterbitkan semula,
disimpan dalam sistem dapatan semula atau disiarkan dalam sebarang bentuk dengan
apa jua cara elektronik, mekanikal, fotokopi, rakaman atau sebagainya, tanpa kebenaran
bertulis terlebih dahulu daripada penerbit.

Perpustakaan Negara Malaysia

Data Pengkatalogan-dalam-Penerbitan

Titian AHIR ZAMAN / Disunting Oleh Mek Wok Mahmud, Raudlotul Firdaus Fatah

Yasin, Mohd Puzhi Usop. – EDISI KEDUA.

ISBN 978-967-491-072-3

1. Islam--Customs and practices.
2. Religious life--Islam.
3. Muslims--Conduct of life.
4. Government publications--Malaysia.

I. Mek Wok Mahmud. II. Raudlotul Firdaus Fatah Yasin.

III. Mohd. Puzhi Usop. IV. Title.

297.57

Diterbitkan di Malaysia oleh

IIUM Press

International Islamic University Malaysia

P.O. Box 10, 50728 Kuala Lumpur, Malaysia

Dicetak di Malaysia oleh

Perniagaan Normahs

No. 3, 5 & 7, Jalan 12/10

Taman Koperasi Polis Fasa 1

68000 Mukim Batu

Kuala Lumpur

KANDUNGAN

<i>Senarai Rajah dan Jadual</i>	vii
<i>Kata Pengantar oleh Menteri di Jabatan Perdana Menteri (HEA)</i>	ix
<i>Prakata Edisi Kedua</i>	xiii
<i>Prakata Edisi Pertama</i>	xvii
Bab 1 PENDAHULUAN	1
<i>Mek Wok Mahmud</i>	
<i>Raudlotul Firdaus Fatah Yasin</i>	
<i>Mohd Puzhi Usop</i>	
Bab 2 MENITI TITIAN TERAKHIR	12
<i>Muhammad Muthi'ul Haqq Fatah Yasin</i>	
Bab 3 PERANAN ILMU DALAM MEMBINA PERSEPSI	23
AQIDAH TENTANG TANDA-TANDA AKHIR ZAMAN	
<i>Mohammad Dhiya'u'l Hafidh Fatah Yasin</i>	
Bab 4 PESANAN AKHIR OLEH	42
IMAM BADI'UZZAMAN SAID NURSI	
<i>Noor Azma Mohamad Khassim</i>	
Bab 5 PESANAN NABI MUHAMMAD SAW	57
TERHADAP UMAT ISLAM AKHIR ZAMAN	
<i>Sofiah Samsudin</i>	
Bab 6 AL-QUR'AN SEBAGAI PENAWAR BENCANA	73
MEDIA SOSIAL DI AKHIR ZAMAN	
<i>Abdullah Bukhari Abdul Rahim</i>	

Kandungan

Bab 7 KEADAAN WANITA AKHIR ZAMAN <i>Qurrotul Aien Fatah Yasin</i>	85
Bab 8 SIFAT-SIFAT WANITA SYURGA DAN NERAKA DI AKHIR ZAMAN <i>Mek Wok Mahmud</i>	98
Bab 9 AKHIR ZAMAN DAN CABARAN RAWATAN ISLAM RUQYAH SYARIYYAH <i>Mohd Puzhi Usop</i>	116
Bab 10 EKONOMI AKHIR ZAMAN DAN CABARAN KEWANGAN BAGI INSAN BERIMAN <i>Raudlotul Firdaus Fatah Yasin</i> <i>Ahmad 'Arif Mohd Arshad</i>	129
Bab 11 GEJALA LGBT DI AKHIR ZAMAN <i>Mohd Azrul Azren Abd Hamid</i>	143
Bab 12 BAHAYA NIFAQ AKHIR ZAMAN <i>Nurul Jannah Zainan Nazri</i> <i>Asma' Harun</i>	155
Bab 13 FENOMENA KERAPUHAN INSTITUSI KELUARGA DI AKHIR ZAMAN <i>Nor Zatu Amni Mohamad</i>	171
<i>Senarai Penyumbang</i>	185
<i>Indeks</i>	191

SENARAI RAJAH DAN JADUAL

Rajah 3.1: Lima asas tamadun moden akhir zaman	53
Rajah 6.1: Contoh pakaian yang menutup sebahagian tubuh dan membuka sebahagian yang lain.	91
Jadual 9.1: Syarah hadis Ibn Daqiq al-Íd dan Qadhi Íyadh tentang hadis ibu melahirkan tuannya sendiri.	136
Rajah 9.1: Bangunan tertinggi di dunia.	137
Jadual 11.1: Tema yang dikeluarkan daripada hadis-hadis sahih tentang LGBT	148
Jadual 11.2: Perkataan yang digunakan bagi menggambarkan keburukan perbuatan songsang kaum sejenis	148
Rajah 11.1: Tema hadis-hadis sahih berkaitan LGBT yang disusun mengikut fasa keterlibatan	149

KATA PENGANTAR

**Dato' Seri Dr. Hj. Zulkifli Mohamad Al-Bakri
Menteri di Jabatan Perdana Menteri [Hal Ehwal Agama]**

بِسْمِ اللَّهِ الرَّحْمَنِ الرَّحِيمِ

إِنَّ الْحَمْدَ لِلَّهِ تَحْمِدُهُ وَنَسْتَعِينُهُ، مَنْ يَهْدِي اللَّهُ فَلَا مُضَلٌّ لَهُ، وَمَنْ يُضْلِلُ فَلَا هَادِيَ
لَهُ، وَأَشْهُدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَنَّ مُحَمَّداً عَبْدُهُ وَرَسُولُهُ، وَالصَّلَاةُ
وَالسَّلَامُ عَلَى رَسُولِهِ الْأَمِينِ، وَعَلَى آلِهِ وَصَاحْبِهِ أَجْمَعِينَ، أَمَّا بَعْدُ.

Umat Islam di seluruh dunia kini menghadapi pelbagai dugaan dan cabaran yang berpunca dari tekanan dan serangan mental, rohani dan ekonomi dari pelbagai sudut, serta kelemahan dan kedaifan umat Islam sendiri. Kealpaan umat Islam dan kecetekan dalam ilmu pengetahuan agama akan menyebabkan mereka terjerumus ke dalam kegagalan di kehidupan dunia mahu pun di akhirat. Setiap individu, para pendakwah, jabatan-jabatan agama Islam serta pemerintah Islam perlu memainkan peranan penting untuk memberi kesedaran kepada masyarakat Islam tentang muslihat serta senjata musuh-musuh Islam untuk melemahkan mereka. Di akhir zaman ini, umat Islam dilekakan dengan kemewahan dunia yang melampau hingga terlupa batas-batas syariah Islam. Generasi muda yang dikenali dengan 'GEN Y' kini dilalaikan dengan gajet serta permainan menerusi talian internet yang telah dan sedang menyebabkan belia kita ketagih hingga mereka lupa tugas dan tanggungjawab mereka sebagai pelajar atau pekerja juga sebagai hamba Allah SWT.

Allah SWT menegaskan dalam firman-Nya: “Orang-orang Yahudi dan Nasrani tidak sekali-kali akan bersetuju atau suka kepadamu (wahai Muhammad) sehingga engkau menurut agama mereka (yang telah terpesong itu). Katakanlah (kepada mereka): “Sesungguhnya petunjuk Allah (agama Islam itulah petunjuk yang benar”. Dan demi sesungguhnya jika engkau menurut kehendak hawa nafsu mereka sesudah datangnya (wahyu yang memberi) pengetahuan kepadamu (tentang kebenaran), maka tiadalah engkau akan peroleh dari Allah (sesuatupun) yang dapat mengawal dan memberi pertolongan kepada mu”. (*Surah al-Baqarah: 120*).

Cabaran utama umat Islam sejak zaman para rasul sebelum kelahiran Rasulullah SAW adalah pengaruh agama Yahudi dan Nasrani. Mereka tidak pernah putus asa menindas serta memecahbelahkan umat Islam. Mereka menimbulkan fitnah di kalangan umat Islam sehingga mereka bukan sahaja berpecah belah malahan berperang sesama sendiri. Lihat sendiri apa yang berlaku di Timur Tengah. Negara Islam membeli senjata dari negara kafir untuk membunuh umat Islam. Ini memberikan kesan secara langsung dan tidak langsung kepada ekonomi umat Islam, perkembangan psikologi dan mental serta bertebarannya fitnah di mana-mana.

Penulis dan pemikir Islam sudah banyak menulis mengenai cabaran yang dihadapi umat Islam. Abdul Qadir Awdah, seorang pakar undang-undang Mesir yang gugur syahid di tali gantung pada zaman Jamal Abdel Nasir, pernah mengungkapkan antara cabaran ummah ialah kejahilan ummah itu sendiri dan kelesuan ulama. Kejahilan umat Islam dalam pelbagai bidang termasuk dalam bidang agama menjadi antara faktor utama kemunduran umat Islam. Kelas-kelas agama kebanyakannya dihadiri oleh golongan tua. Generasi muda kini terlalu sibuk dengan urusan dunia hingga melupakan akhirat. Mereka dilanda penyakit *wahn* iaitu cintakan dunia dan bencikan kematian. Apabila berbicara tentang fitnah akhir zaman, terdapat golongan yang merasa serba tahu seolah-olah mereka sudah cukup bekalan berhadapan dengan ujiannya. Hakikatnya pengetahuan agama mereka masih terhad dan perlu ditambah lagi. Mereka juga mudah terpengaruh dengan fitnah dan dakyah yang dilontarkan oleh pelbagai pihak dari pelbagai sudut.

Umat Islam hendaklah kembali kepada al-Qur'an dan al-Sunnah dalam mengharungi kehidupan di zaman yang sangat mencabar ini. Rasulullah SAW telah berpesan dengan sabdanya:

Kata Pengantar

تَرْكُتُ فِيمَا أَمْرَيْتُ، لَنْ تَخْلُوا مَا تَمَسَّكْتُمْ بِهِمَا : كِتَابَ اللَّهِ وَسُنْنَةَ رَسُولِهِ.

Maksud: “Aku tinggalkan untuk kamu dua perkara, kamu tidak akan sesat selagi mana kamu berpegang dengan kedua-duanya, kitab Allah (al-Qur'an) dan sunnah rasul-Nya”.

(Imam Malik bin Anas: 1594)

Saya menyeru kepada semua pihak agar bangkit lantas mengambil langkah yang sewajarnya untuk memberi kesedaran kepada ummah tentang pelbagai bentuk cabaran yang kita hadapi khususnya di akhir zaman ini. Seterusnya umat Islam perlu dilengkapkan dengan pertahanan yang ampuh dari segi mental dan rohani untuk menangkis segala bentuk dugaan dan cabaran agar kita beroleh kejayaan di dunia dan akhirat.

Saya juga mengucapkan tahniah kepada para penulis serta pihak Masjid Sultan Haji Ahmad Shah, Centre for Islamisation (CENTRIS) dan IIUM Press yang telah berjaya menerbitkan buku yang sangat bermanfaat ini. Moga Allah SWT ganjari kita semua dengan kebaikan di dunia dan akhirat.

DATO' SERI DR. HJ. ZULKIFLI MOHAMAD AL-BAKRI
Menteri di Jabatan Perdana Menteri (Hal Ehwal Agama)

PRAKATA EDISI KEDUA

**Mek Wok Mahmud
Raudlotul Firdaus Fatah Yasin
Mohd Puzhi Usop**

Dengan nama Allah Yang Maha Pemurah Lagi Maha Penyayang. Selawat dan salam ke atas Rasul junjungan, Nabi Muhammad SAW, ahli keluarganya dan sekalian sahabatnya. Buku edisi kedua *Titian Akhir Zaman* dihasilkan setelah kemunculan buku edisi pertama *Titian Akhir Zaman* pada November 2019 yang lalu. Dalam tempoh masa tiga bulan, *alhamdulillah* buku edisi pertama telah mendapat sambutan yang agak luar biasa daripada orang ramai. Cetakan kedua dengan beberapa pembetulan telah habis di pasaran dalam tempoh tidak sampai beberapa minggu. Ini merupakan gambaran betapa umat Islam pada hari ini sangat dahagakan bahan bacaan ilmiah yang membekalkan panduan dan tips-tips berguna dalam menghadapi akhir zaman ini. Ketika proses penerbitan edisi kedua sedang berjalan, buku ini telah menerima banyak tempahan dari dalam kampus Universiti Islam Antarabangsa Malaysia dan juga dari seluruh negara. Ini menjadi tanda bahawa masyarakat sangat cakna dalam pencarian bahan bacaan yang diyakini boleh merubah persepsi serta sesuatu sikap negatif menjadi positif, menjernihkan yang keruh serta menjadi sandaran kukuh agar mereka tidak tergelincir dari landasan yang benar.

Permintaan luar jangka ini telah menyemarakkan pasukan penulis untuk menambah empat tajuk baru yang sangat signifikan serta sering menjadi perbincangan di kalangan masyarakat masa kini. Tajuk-tajuk yang diutarakan dalam edisi pertama adalah Meniti Titian Terakhir, Pesanan Akhir oleh Imam Badi'uzzaman Sa'id Nursi, Pesanan Nabi Muhammad SAW Terhadap Umat Islam Akhir Zaman, Al-Quran Sebagai Penawar Bencana Media Sosial di Akhir Zaman, Keadaan Wanita Akhir Zaman, Sifat-Sifat Wanita Syurga dan Neraka di Akhir Zaman, Akhir Zaman Dan Cabaran Rawatan Islam Ruqyah Syar'iyyah serta Akhir Zaman Dan Cabaran Kewangan Insan Beriman. Manakala empat tajuk

tambahan dalam edisi kedua ini adalah Peranan Ilmu Dalam Membina Persepsi Aqidah Tentang Tanda-Tanda Akhir Zaman, Gejala LGBT dan Remaja Akhir Zaman, Bahaya Nifaq Akhir Zaman serta Fenomena Kerapuhan Institusi Keluarga Akhir Zaman.

Jika edisi pertama buku ini lebih banyak menumpukan perbincangan pada tanda-tanda zahir telah hampirnya manusia ke peristiwa kiamat, edisi kedua menghidangkan tajuk-tajuk perbincangan yang melengkapkan kefahaman pembaca dalam bidang ilmu akhir zaman dan secara berdisiplin. Bab-bab perbincangan dalam edisi yang kedua ini menjurus ke arah persediaan dalaman akal dan hati dalam memahami dan mengatasi ujian-ujian yang melanda manusia di akhir zaman serta melengkapkan lagi tanda-tanda akhir zaman dengan munculnya jenayah LGBT yang songsang, berleluasanya gejala *nifaq* iaitu berpura-pura menjadi baik atau menjadi orang Islam sedangkan hatinya tidak beriman, serta rapuhnya institusi kekeluargaan yang membawa kepada kehancuran tamadun masyarakat. Dalam keghairahan umat Islam serata dunia mempelajari dan mendalami ilmu berkaitan tanda-tanda akhir zaman, fenomena dan persediaan menghadapi fitnah ujian, terdapat juga keadaan di mana ilmu-ilmu dan maklumat yang disampaikan dalam masyarakat tidak bersumber dari riwayat yang sahih dan benar.

Perlulah diketahui bahawa riwayat-riwayat sahih daripada hadith baginda Nabi SAW sebenarnya telah menggariskan panduan yang jelas dalam mengenal pasti rentetan peristiwa-peristiwa yang berlaku di zaman sebelum keluarnya Dajjal hingga hal berlakunya kiamat. Tidak dinafikan, para *salafussoleh* dan ulama mutakhir telah bekerja keras menghimpunkan riwayat tersebut dalam karya-karya klasik dan moden daripada pelbagai sumber yang sahih mahupun yang lemah. Bercampurnya riwayat yang lemah (*dha'if*) atau palsu (*mawdu'*) dalam karya-karya tersebut adakah menimbulkan rasa cemas yang berlebihan di kalangan pembaca dan penuntut ilmu, atau ketakutan yang berlebihan sehingga menimbulkan paranoid seperti yang kedengaran akhir-akhir ini. Walhal, apa yang dikehendaki oleh baginda Rasulullah SAW dalam mempelajari ilmu akhir zaman adalah untuk berhati-hati dan memantapkan iman kita kepada Allah SWT di samping memperbanyakkan amalan soleh agar sentiasa dilindungi dari kejahatan dan tipu daya musuh-musuh Islam.

Justeru itu, para penulis buku ini berusaha menganalisis riwayat-riwayat sahih yang dinaqalkan dari pelbagai sumber rujukan dan menyusun atur mengikut tajuk-tajuk yang berkaitan. Buku ini merupakan

Prakata Edisi Kedua

satu himpunan kajian secara kualitatif dengan pendekatan separa akademik tetapi bersahaja, disokong dengan statistik dan maklumat perkembangan semasa yang saintifik. Diharapkan penambahan isu-isu penting dalam edisi kedua ini dapat memberi informasi dan panduan berguna buat para pembaca dalam mendepani dan menyelesaikan kemelut akhir zaman yang semakin mencabar. Masyarakat yang prihatin sentiasa memerlukan bimbingan serta buah fikiran bernes para pemikir dan penulis yang ikhlas berusaha dan berfikir untuk membantu masyarakat bagi mencapai kebahagiaan di dunia dan akhirat. Semoga usaha ini diterima sebagai amal soleh di sisi Allah SWT.

PRAKATA EDISI PERTAMA

Aakhir zaman merupakan suatu zaman menghampiri saat berakhirnya usia dunia. Suasana mencabar dapat dirasakan dengan hadirnya satu persatu tanda-tanda kiamat kecil berdasarkan riwayat Nabi Muhammad SAW dan para sahabat. Rentetan dugaan hebat yang melanda segala aspek dan penjuru termasuk akhlak, aqidah, syariat, ekonomi dan ibadat, orang yang yang beriman pasti akan tercari-cari apakah bekalan dan persiapan untuk menyelamatkan diri dari fitnah ini dan apa yang dapat dibawa ke alam barzakh nanti.

Buku ini adalah yang julung kalinya diterbitkan sebagai salah satu usaha pengurusan Masjid Sultan Haji Ahmad Shah, Centre for Islamisation (CENTRIS), Universiti Islam Antarabangsa Malaysia, dengan kerjasama IIUM Press bagi memberikan sedikit panduan dan pencerahan dalam memahami hakikat akhir zaman dan tips menghadapinya berdasarkan dalil dan nas yang sahih daripada sumber al-Quran dan al-Sunnah. Dimulakan dengan hakikat sebenar akhir zaman sebagaimana diajarkan oleh baginda Rasulullah SAW dalam nas-nas baginda yang sahih, sehingga tips dan nasihat-nasihat berguna untuk dijadikan rujukan pembaca dalam melayari kehidupan. Buku ini sesuai untuk dibaca oleh golongan berilmu agama mahupun ilmu sains, serta masyarakat awam yang dahagakan panduan dalam meniti titian akhir zaman.

Semoga pengisian yang dibahaskan dalam buku ini dapat menjadi pegangan yang praktikal bagi mendepani cabaran akhir zaman. Khususnya bagi orang-orang yang beriman dan yang benar-benar mencari hidayah di akhir zaman.

BAB 11

GEJALA LGBT DI AKHIR ZAMAN

Mohd Azrul Azlen Abd Hamid

Pendahuluan

Dunia Islam akhir zaman telah dilanda krisis rohani yang sangat serius dan meruncing. Fokus kehidupan manusia pada hari ini khususnya remaja tertumpu kepada apa yang dilihat dengan mata kepala tetapi melupakan apa yang perlu dilihat oleh mata hati. Akibatnya, diri dihambakan kepada dunia dan nafsu serakah. Mereka sering mendahulukan apa yang mereka mahu tetapi melupakan apa yang mereka perlu.

Kini pelbagai ‘penyakit songsang’ mula menyerang remaja muslim sehingga ia dilihat sebagai sesuatu yang biasa. Lama-kelamaan perbuatan tersebut dilihat sebagai sebahagian daripada budaya masyarakat yang tidak ada salahnya dan diperjuangkan atas dasar hak kemanusiaan. Salah satu penyakit kronik yang melanda remaja kini adalah LGBT.

Islam merupakan agama fitrah yang menghalang amalan dan budaya dan seks songsang yang merosakkan fitrah yang diciptakan oleh Allah SWT. Seks melalui hubungan yang sah menjadikan kehidupan manusia lebih lestari dan bahagia. Namun gejala Lesbian, Gay, Biseksual dan Transgender (LGBT) dalam kalangan remaja dilihat mencabar potensi besar yang dikurniakan oleh Tuhan kepada manusia.

Epistemologi LGBT

LGBT adalah singkatan bagi *Lesbian, Gay, Biseksual* dan *Transgender*. *Lesbian* adalah perkataan Inggeris yang merujuk kepada golongan

yang dilahirkan secara biologi sebagai wanita tetapi mempunyai daya tarikan seksual terhadap kaum sejenisnya. Istilah ini juga turut dikenali sebagai wanita homoseksual. Perkataan *lesbian* adalah kata sifat yang merujuk kepada Pulau Lesbos di Greek yang dikatakan mempunyai hubung kait dengan wanita homoseksual. Ini berdasarkan catatan Sappho seorang pemuisi di pulau itu pada kurun ke-7 sebelum Masihi yang menggambarkan melalui karyanya tarikan seksual seorang wanita kepada wanita yang lain. Perbuatan ini dikatakan mula berputik semasa zaman Yunani Purba (Bonnie, 2009). *Lesbian* atau homoseksual di dalam Islam dikenal dengan sebutan *al-sihaq* yang merujuk kepada hubungan sejenis perempuan dengan perempuan.

Gay pula merujuk kepada golongan yang dilahirkan secara biologi sebagai lelaki tetapi mempunyai tarikan seksual terhadap kaum sejenisnya. Perkataan *gay* berasal daripada bahasa Perancis iaitu *gai* yang bermaksud seseorang individu yang sentiasa gembira, tidak ada kerisauan dan suka memakai pakaian yang berwarna-warni (Namri Sidek, 2018). Namun, sekitar tahun 1800 perkataan ini digunakan di negara Inggeris dengan maksud homoseksual (Mohd Izwan, Muhd Najib & Mazlan, 2019). *Gay* atau homoseksual di dalam Islam pula dikenal dengan sebutan *al-liwat* yang merujuk kepada hubungan sejenis lelaki dengan lelaki.

Biseksual pula adalah seseorang yang cenderung untuk melakukan seks dengan lelaki dan juga wanita. *Biseksual* juga mewakili identiti seksual dalam kehidupan masyarakat selain *heteroseksual* dan *gay*.

Transgender merupakan seorang lelaki atau wanita yang berperasaan dan berpenampilan sebagai anggota jantina yang satu lagi. Golongan *transgender* tidak menjadikan jenis kelaminnya sebagai suatu masalah dan tidak mahu mengubah alat kelaminnya melalui pembedahan. Seorang *transgender* boleh saja mempunyai identiti sosial *heteroseksual*, *biseksual* atau *gay*. Istilah lain yang turut dikaitkan dengan *transgender* adalah *transeksual*. Jika *transgender* tidak melibatkan penukaran organ seks, *transeksual* pula adalah sebaliknya. *Transeksual* dikenali dalam istilah bahasa Arab sebagai *al-mukhannath*. Golongan ini cenderung untuk menukar organ jantina mereka melalui pembedahan (Kamus Dewan).

Keempat-empat istilah ini kemudian menjadi satu terma yang disingkatkan kepada LGBT. Ia digunakan secara meluas sebagai satu istilah yang merujuk kepada perbuatan hemoseksual (*lesbian* dan *gay*), *biseksual* dan *transeksual/transgender*.

Hadis-hadis Berkaitan Penyakit LGBT

Bagi berhadapan dengan wabak ini, Nabi SAW memberikan panduan untuk berinteraksi dengan golongan ini. Kisah kaum Lut dan petunjuk dari sunnah dapat membawa kita untuk memahami isu ini dan seterusnya menjadikannya sebagai panduan. Membuat analisis ke atas hadis-hadis yang berkaitan isu ini membawa kita untuk merungkai permasalahan utama yang membelenggu masyarakat pada ketika itu, iaitu budaya dan amalan songsang yang suka melakukan seks bersama pasangan sejenis. Perlakuan songsang ini kemudiannya menyebabkan bahaya dan kesan yang buruk kepada jiwa, sosial, kemanusiaan, kesihatan, akhlak, perlakuan dan agama. Analisis teks-teks hadis juga bertujuan untuk memahami wabak LGBT yang melanda masyarakat Islam dulu dan realiti yang berlaku pada hari ini.

Terdapat beberapa hadis sahih yang berbicara tentang tabiat songsang kaum Nabi Lut cara Nabi SAW berinteraksi dengan golongan LGBT.

Hadis 1:

لَعْنَ رَسُولِ اللَّهِ صَلَّى اللَّهُ عَلَيْهِ وَسَلَّمَ الْمُتَشَبِّهِينَ مِنَ الرِّجَالِ بِالنِّسَاءِ
وَالْمُتَشَبِّهَاتِ مِنَ النِّسَاءِ بِالرِّجَالِ.

Maksud: Rasulullah SAW melaknat lelaki yang menyerupai perempuan dan perempuan yang menyerupai lelaki.

(Hadis riwayat Abu Daud, no. 4097)

Hadis ini menjelaskan bahawa mak nyah, iaitu istilah yang digunakan di Malaysia bagi seorang lelaki yang menukar jantinanya atau berperawakan seperti seorang wanita, tomboi (perempuan yang berperawakan seperti lelaki) atau pengkid iaitu wanita yang berperawakan lelaki dan cenderung menyukai sesama jenis. Mereka merupakan golongan yang perlu diberikan perhatian kerana mereka menonjolkan diri dalam rupa jantina yang bertentangan. Lelaki menyerupai wanita manakala wanita menyerupai lelaki.

Hadis 2:

لَعْنَ رَسُولِ اللَّهِ صَلَّى اللَّهُ عَلَيْهِ وَسَلَّمَ الرَّجُلِ يَلْبَسُ لِبْسَةَ الْمَرْأَةِ وَالْمَرْأَةُ تَلْبَسُ لِبْسَةَ الرَّجُلِ

Maksud: *Nabi SAW melaknat lelaki yang memakai pakaian wanita dan wanita yang memakai pakaian lelaki.*

(Hadis riwayat Abu Daud, no. 3575)

Hadis ini mempunyai perkaitan dengan hadis yang pertama kerana Allah melaknat lelaki yang menyerupai wanita dan wanita yang menyerupai lelaki dari sudut cara berpakaian. Pemakaian yang menyerupai jantina lain juga adalah dilarang mengikut konteks hadis ini.

Hadis 3:

لَعْنَ النَّبِيِّ صَلَّى اللَّهُ عَلَيْهِ وَسَلَّمَ الْمُخَنَّثِينَ مِنَ الرِّجَالِ وَالْمُتَرَجَّلَاتِ مِنَ النِّسَاءِ وَقَالَ: أَخْرِجُوهُمْ مِنْ بُيُوتِكُمْ وَأَخْرُجَ عُمَرَ فُلَانًا.

Maksud: *Nabi SAW melaknat lelaki yang bersifat kewanitaan dan wanita yang bersifat kelakian dengan sabdanya: "Keluarkan mereka daripada rumah-rumah kamu". Ibn Abbas menambah dengan berkata: "Maka Nabi SAW telah mengeluarkan si fulan dan Umar juga telah mengeluarkan si fulan".*

(Sahih al-Bukhari, no. 5436 dan 6331)

Hadis ini mempunyai kesinambungan dengan hadis pertama dan kedua kerana perbuatan lelaki menyerupai wanita dan wanita menyerupai lelaki merupakan perkara yang dilaknat. Melalui hadis ini kita dapat memahami bahawa Rasulullah SAW bersikap tegas dengan golongan ini. Fulan yang dimaksudkan dalam hadis ini seorang lelaki yang berwatakannya seperti wanita dari segi gaya percakapan, cara berjalan dan cara berpakaian. Apa yang dimaksudkan dengan Nabi SAW agar mengeluarkan mereka dari rumah ialah mengasingkan golongan ini supaya tidak mempengaruhi orang lain untuk mengikuti perbuatan mereka itu. Dari aspek ini, kita dapat melihat bahawa baginda Nabi SAW mengarahkan agar dihindarkan 'wabak bahaya' ini sebelum ia menular secara meluas ke dalam masyarakat.

Walaupun begitu, ia tidaklah bermaksud untuk memulau mereka yang terlibat dengan perbuatan buruk itu. Kebimbangan Nabi SAW adalah

kepada orang di sekeliling mereka. Pengasingan yang dilakukan perlulah berserta bimbingan kepada mereka. Dari sudut pemulihan pula, usaha-usaha untuk mengembalikan mereka ke pangkal jalan melalui kefahaman ilmu perlu dilakukan secara berterusan.

Hadis 4:

لَا يُبَشِّرُ الْمَرْأَةُ إِلَّا وَهُمَا زَانِيَتَانِ، وَلَا يُبَشِّرُ الرَّجُلُ إِلَّا وَهُمَا زَانِيَتَانِ.

Maksud: *Tidak seorang wanita itu bersentuh-sentuhan dengan seorang wanita melainkan mereka adalah berzina, dan tidaklah seorang lelaki bersentuh-sentuhan dengan seorang lelaki melainkan mereka juga (sedang berzina).*

(Riwayat al-Tabarani, t.t., no. hadis 4157, Riwayat al-Baihaqi, t.t.: 4, 1415H, no. hadis 507)

Hadis ini bukan sekadar berbicara tentang perbuatan menyerupai wanita lain. Ia berbicara tentang perlakuan yang lebih buruk iaitu melakukan perbuatan seks secara songsang. Fitrah manusia adalah lelaki melakukan persetubuhan dengan pasangannya iaitu wanita. Namun, perbuatan golongan gay dan lesbian yang melakukan seks sejenis merupakan perbuatan terkutuk dan termasuk dalam kategori zina.

Hadis 5:

مَنْ وَجَدْتُمُوهُ يَعْمَلُ عَمَلَ قَوْمٍ لُوطٍ فَاقْتُلُوا الْفَاعِلَ وَالْمَفْعُولَ بِهِ.

Maksud: *Jika kamu mendapati seseorang melakukan amalan kaum Lut, bunuhlah pelaku dan orang yang dilakukan perlakuan itu.*

(Riwayat Mustadrak, 1990, j. 4, no. hadis 8047)

Hadis ini menjelaskan hukuman ke atas golongan homoseksual iaitu hukuman bunuh ke atas mereka. Al-Khattabi (1932) mengatakan bahawa perbuatan kaum Nabi Lut dihukum dengan hukuman yang berat merujuk kepada azab Allah yang sangat berat yang ditimpakan sehingga mereka terbunuh kesemuanya.

Tema Hadis-Hadis Sahih Berkaitan LGBT

Berikut adalah tema yang dikeluarkan daripada hadis-hadis sahih tentang LGBT:

Jadual 11.1: Tema yang dikeluarkan daripada hadis-hadis sahih tentang LGBT

Hadis	Tema
Hadis 1	Larangan menyerupai jantina berbeza
Hadis 2	Larangan menyerupai jantina berbeza
Hadis 3	Larangan menyerupai jantina berbeza
Hadis 4	Larangan melakukan hubungan seks sesama jenis
Hadis 5	Azab atau hukuman ke atas pelaku amalan songsang

Berdasarkan hadis-hadis sahih tentang LGBT di atas kita dapat kategorikan kepada beberapa tema utama:

- i- Larangan menyerupai jantina berbeza
- ii- Larangan melakukan hubungan seks sesama jenis
- iii- Azab atau hukuman ke atas pelaku amalan songsang

Kelima-lima hadis yang dibincangkan di atas menggunakan perkataan yang merujuk kepada celaan, kenyataan dan perintah seperti berikut:


Jadual 11.2: Perkataan yang Digunakan bagi Menggambarkan Keburukan Perbuatan Songsang Kaum Sejenis

Hadis	Perkataan yang Digunakan	Ulasan
Hadis 1	لَعْنَةٌ	Laknat ke atas golongan lelaki yang menyerupai wanita dan wanita yang menyerupai lelaki.
Hadis 2	لَعْنَةٌ	Laknat ke atas golongan lelaki yang memakai pakaian wanita dan wanita yang memakai pakaian lelaki.
Hadis 3	لَعْنَةٌ	Laknat ke atas golongan lelaki yang menyerupai wanita dan wanita yang menyerupai lelaki dan arahan agar menjauhkan golongan ini daripada masyarakat.

Hadis 4	لَا تُبَاشِرُ.....لَا يُبَاشِرُ...	Penjelasan bahawa perbuatan songsang yang dilakukan dosanya adalah sama seperti berzina.
Hadis 5	فَاقْتُلُوا	Hukuman dan azab yang dikenakan ke atas pelaku amalan songsang ini setelah peringatan demi peringatan diberikan.

Berdasarkan Jadual 11.1 dan Jadual 11.2, tema-tema yang dikemukakan sebenarnya merupakan proses atau fasa sesuatu golongan itu terlibat dengan perbuatan songsang.

Rajah 1: Tema Hadis-Hadis Sahih Berkaitan LGBT Yang Disusun Mengikut Fasa Keterlibatan



Rajah 1 menjelaskan bahawa perlakuan songsang terjadi mengikut fasa-fasa berikut:

Fasa 1: Seorang lelaki atau wanita mula mempunyai kecenderungan untuk berkelakuan seperti jantina yang berbeza dengan dirinya. Ia disebabkan keinginan nafsu dan syahwat yang ingin menonjolkan dirinya dalam rupa yang berbeza. Keinginan ini kemudiannya dizahirkan melalui cara percakapan, cara berjalan dan melakukan aktiviti yang kebiasaannya dilakukan oleh jantina yang berbeza. Fasa ini juga merupakan fasa keberanian seseorang menzhirkan keinginan dalamannya secara terang-terangan melalui pemakaian yang berbeza dengan jantina individu tertentu. Gabungan antara keinginan dalaman dan keberanian memakai pakaian yang tidak sesuai dengannya menyebabkan Rasulullah

SAW memerintahkan agar mereka diasingkan dari keluarga supaya tidak mempengaruhi orang lain. Baginda Nabi SAW menggunakan perkataan ‘laknat’ bagi membendung golongan ini dari terlibat dengan fasa yang seterusnya.

Fasa 2: Ini merupakan fasa yang paling kritisikal yang menyebabkan seseorang atau sesuatu golongan dikenakan hukuman yang berat. Fasa ini merupakan manifestasi perlakuan perbuatan pada Fasa 1. Keberanian berpakaian songsang membawa kepada kecenderungan untuk melakukan aktiviti seksual bersama pasangan sejenis. Lelaki yang berperwatakan wanita mempunyai kecenderungan untuk melakukan seks bersama pasangan lelaki, manakala wanita yang berperwatakan lelaki mempunyai kecenderungan untuk melakukan seks bersama pasangan wanita. Selain laknat, penjelasan bahawa perbuatan songsang pada fasa ini yang menyerupai perbuatan zina merupakan tanda bahawa ia merupakan salah satu dosa besar yang perlu dijauhi.

Fasa 3: Fasa ini merupakan fasa terakhir setelah teguran demi teguran tidak diendahkan oleh golongan ini. Hukuman atau azab merupakan perkara yang terakhir dikenakan oleh Allah.

Sebagai kesimpulannya, perkataan laknat yang digunakan melalui hadis-hadis saih Nabi SAW menunjukkan amaran yang berbentuk pencegahan supaya keinginan songsang yang sekadar bermain di dalam jiwa tidak dizahirkan secara terang-terangan melalui perlakuan, cara berpakaian, melakukan perbuatan seks dengan kaum sejenis dan akhirnya diazab oleh Allah SWT.

Cadangan Penyelesaian

Menudung jari dengan menyalahkan orang lain dalam isu ini bukanlah satu jalan penyelesaian, tetapi ia perlu bermula dari kesedaran diri setiap individu. Analisis *Surah al-'Araf* (ayat 79-84), *Surah Hud* (ayat 69-83), *Surah al-Syu'ara* (ayat: 160-175), *Surah al-Naml* (ayat 54-58), *Surah al-Ankabut* (ayat 28-35), *Surah al-Soffat* (ayat 133-138), *Surah al-Qamar* (ayat 33-40) dan hadis-hadis saih Nabi SAW berkenaan LGBT memberikan gambaran kepada kita tentang pendekatan yang diambil oleh Nabi Lut dan Rasulullah SAW ketika berhadapan dengan kaum yang telah menyimpang. Antara solusi untuk berinteraksi dengan masalah ini:

1. Memperkuatkan Institusi Kekeluargaan, Masyarakat Dan Negara

Institusi kekeluargaan perlu dibangunkan semula. Interaksi di dunia maya perlu dikawal dan tumpuan seharusnya diberikan kepada hubungan yang mempunyai sentuhan fizikal antara ahli keluarga. Melalui sentuhan fizikal, nasihat lebih mudah untuk disampaikan dan pembentukan nilai kekeluargaan yang baik lebih mudah digarap. Jika keluarga dijaga dengan baik, masalah sosial ini dapat dibendung sama ada di peringkat masyarakat mahupun negara. Sebab itulah Rasulullah SAW meminta untuk mengasingkan seketika golongan LGBT supaya tidak mempengaruhi ahli keluarga yang lain. Pengukuhan institusi kekeluargaan melalui pendekatan pencegahan merupakan salah satu cara untuk membendung gejala ini dari tersebar luas.

2. Memperbetulkan Cara Berfikir Yang Menyimpang

Cara berfikir dan sistem kepercayaan yang menyimpang perlu diperbetulkan terlebih dahulu agar pelakunya sedar bahawa perlakuan songsangnya boleh membawa padah dari sudut fizikal, emosi dan spiritual.

Firman Allah SWT:

وَلُوطاً إِذْ قَالَ لِقَوْمِهِ أَتَأْتُونَ الْفَحْشَةَ مَا سَبَقُكُمْ بِهَا مِنْ أَحَدٍ مِّنَ الْعَالَمِينَ
إِنَّكُمْ لَتَأْتُونَ الْرِّجَالَ شَهْوَةً مِّنْ دُونِ النِّسَاءِ بَلْ أَنْتُمْ قَوْمٌ
٨٠
مُّسْرِفُونَ
٨١

Maksud: *Dan Nabi Lut juga (Kami utuskan). Ingatlah ketika dia berkata kepada kaumnya: "Patutkah kamu melakukan perbuatan yang keji, yang tidak pernah dilakukan oleh seorang pun dari penduduk alam ini sebelum kamu? "Sesungguhnya kamu mendatangi lelaki untuk memuaskan nafsu syahwat kamu dengan meninggalkan perempuan, bahkan kamu ini adalah kaum yang melampaui batas"*

(Surah al-A'raf 7:80-81)

Oleh itu, penerangan tentang bahaya gejala ini perlu disampaikan dengan penuh kasih sayang tetapi tegas. Penjelasan perlu diberikan bahawa perlakuan songsang yang dilakukan menyebabkan mereka tergolong dalam golongan:

- *Qaumun musrifun* (Golongan yang melampaui batas) (Al-A'raf: 81)
- *Qaumun 'adun* (Golongan yang melampaui batas) (Al-Syu'ara: 166)
- *Qaumun tajhalun* (Golongan yang jahil kerana menidakkannya apa yang mereka tahu) (Al-Naml: 55)
- *Qaum mujrimin* (Golongan yang berdosa) (Al-Hijr: 58)
- *Qaum munkarun* (Golongan yang melakukan perkara mungkar) (Al-Hijr: 62)
- *Qaum sau'in faasiqin* (Golongan yang jahat, fasik dan derhaka) (Al-Anbiya: 74)
- *Qaum muhsidin* (Golongan perosak) (Al-'Ankabut: 30)
- *Qaum zalimin* (Golongan yang zalim) (Al-'Ankabut: 31)

3. Menyatakan Kebenaran, Menentang yang Salah

Setiap orang perlu ada cara berfikir sebegini. Jika tidak mampu untuk mengubah dengan tangan, buatlah apa yang termampu. Jika setiap orang punya cara berfikir begini, masyarakat akan sentiasa dikelilingi oleh ramai orang yang sentiasa menasihati. Lihatlah bagaimana Nabi Lut menegur kaumnya:

وَلُوطاً إِذْ قَالَ لِقَوْمِهِ إِنَّكُمْ لَتَقْتُونَ الْفَحْشَةَ مَا سَبَقَكُمْ بِهَا
مِنْ أَحَدٍ مِّنْ الْعَالَمِينَ

٢٨

Maksud: "Dan (ingatkanlah peristiwa) Nabi Lut tatkala dia berkata kepada kaumnya: "Sesungguhnya kamu melakukan perbuatan yang keji, yang tidak pernah dilakukan oleh seorangpun dari penduduk alam ini sebelum kamu"

(Surah al-'Ankabut 29:28)

4. Membimbing Golongan Remaja yang Terlibat dengan LGBT untuk Kembali ke Pangkal Jalan

Acapkali apabila disebut tentang golongan LGBT, ada yang mencebik muka memberi tanda sinis kepada golongan ini. Lihat sahaja netizen-netizen di laman sosial. Kutukan, celaan, makian dan sumpahan menjadi peluru untuk 'menembak' golongan ini. Golongan ini juga perlu dikasihani jika berbicara dari sudut dakwah. Mereka juga mempunyai impian untuk masuk ke dalam syurga. Bimbining supaya mereka bertaubat dan memberikan cadangan alternatif agar mereka dapat keluar dari lorong hitam itu adalah salah satu bentuk usaha yang boleh dilakukan. Lihatlah

bagaimana Nabi Lut a.s. membimbing kaumnya yang tersesat. Firman Allah SWT:

وَجَاءُهُ قَوْمٌ مِّنْ قَبْلٍ كَانُوا يَعْمَلُونَ السَّيِّئَاتِ قَالَ يَنْقُوْمِ
 هُوَلَاءِ بَنَاتِ هُنَّ أَطْهَرُكُمْ فَاتَّقُوا اللَّهَ وَلَا تُخْزِنُ فِي ضَيْفَيِّ أَلَيْسَ مِنْكُمْ
رَجُلٌ رَّشِيدٌ

Maksud: *Dan kaumnya pun datang meluru kepadanya (dengan tujuan hendak mengganggu tetamunya), sedang mereka sebelum itu sudah biasa melakukan kejahatan. Nabi Lut berkata: "Wahai kaumku! Di sini ada anak-anak perempuanku mereka lebih suci bagi kamu (maka berkahwinlah dengan mereka). Oleh itu takutlah kamu kepada Allah, dan janganlah kamu memberi malu kepadaku mengenai tetamu-tetamuku. Tidakkah ada di antara kamu seorang lelaki yang bijak berakal (yang dapat memberi nasihat)?"*

(Surah Hud 11:78)

5. Membina Komuniti yang Bertaqwa dan Taat Kepada Agama

Komuniti yang dibina atas dasar taqwa dan taat kepada agama akan menjauhkan umat Islam daripada terperangkap dengan bisikan dan belitan iblis yang mahukan manusia menjadi hamba kepada nafsu. Kata Nabi Lut melalui firman Allah SWT:

Ketika saudara mereka - Nabi Lut, berkata kepada mereka:

إِذْ قَالَ لَهُمْ أَخْوَهُمْ لُوطٌ لَا تَنْقُونَ

Maksud: *"Hendaknya kamu mematuhi perintah Allah dan menjauhi larangan-Nya."*

(Surah al-Syu'ara 26:161)

Kesimpulan

Kesimpulannya, kutukan, hinaan dan cercaan terhadap remaja yang terjebak dengan penyakit ini tidak akan memberikan solusi untuk mengatasinya. Sebaiknya, pendekatan yang penuh hikmah tanpa mengabaikan ketegasan dalam menyatakan kesalahan perlakuan dosa amalan songsang perlu diterapkan dalam usaha dakwah yang dijalankan. Bawalah mereka untuk melihat akhirat sebagai matlamat kehidupan kerana kehidupan di dunia sebenarnya adalah ibarat fatamorgana yang menipu.

Rujukan

- Abu Bakr Ahmad Bin al-Husayn Bin ‘Ali al-Bayhaqi. (2003). *Al-Sunan al-Kubra Wa Fi Dhaylihi al-Jawhar al-Naqi*. Hayder ’Abad: Majlis Da’irah al-Ma’arif al-Nizamiyyah al-Ka’inah Fi al-Hind.
- Abu Daud, Sulayman bin al-Asy’at al-Sajastani al-Azdi. (2009). *Sunan Abi Dawud*. Riyad: Maktabah al-Ma’arif li al-Nashr wa al-Tawzi’.
- Al-Asfahani, Abu Al-Qasim Al-Husain. (2009). *Al-Mufradat Fi Gharib Al-Quran*. Beirut: Dar al-Qalam
- Al-Bukhari, Abu ‘Abd Allah Muhammad bin Isma’il al-Bukhari al-Ja’fi. (2008). *Al-Jami‘ al-Sahih*. al-Qahirah: al-Matba‘ah al-Salafiyah.
- Al-Khalidi, Salah Abdul Fattah. (2007). *Al-Qasas Al-Qurani: ‘Ard Waqai’ Wa Tahsil Ahdath*. Damsyik: Dar al-Qalam
- Al-Khattabi, Abu Sulayman Hamad bin Muhammad bin Ibrahim bin al-Khattab al-Busti. (1932), *Ma’alim al-Sunan*. Halab: al-Matba‘ah al-‘Ilmiyyah, j.3, p.332.
- Al-Naysaburi, Muhammad Bin ‘Abd Allah Abu ‘Abd Allah al-Hakim. (1990). *Al-Mustadrak ‘Ala al-Sahihayn*. Bayrut: Dar al-Kutub al-‘Ilmiyyah.
- Al-Tabarani, Sulayman bin Ahmad bin Ayyub Abu al-Qasim. (1995). *Al-Mu‘jam Al-Awsat*. Ditahqiqkan oleh Tariq bin ‘Aud Allah bin Muhammad dan ‘Abd al-Muhsin bin Ibrahim al-Husaini. Al-Qahirah: Dar al-Haramain.
- Al-Tabari, Abu Ja‘far Muhammad Ibn Jarir. (1995). *Jam’ al-Bayan ‘an Ta’wil Ayat al-Qur’an*. Beirut: Dar al-Fikr
- Bonnie, J.M (2009). *History of Lesbian, Gay, Bisexual and Transgender Social Movements*. Dicapai dari: <https://www.apa.org/pi/lgbt/resources/history>
- Ibn Faris, Abu Husain Ahmad Zakaria. (2001). *Mu‘jam Maqayyis al-Lughat*. Beirut, Lubnan: Dar l’hyā’ al-Turath al-‘Arabiyy.
- Ibn Kathir, Abu al-Fida’ Isma’il al-Quraishiy. (1999). *Tafsir Al-Qur’ān al-‘Azim*. Beirut, Lubnan: Maktabat al-‘Asriyyat.
- Kamus Dewan (Edisi Keempat). <http://prpm.dbp.gov.my/Cari1?keyword=transeksual>
- Mohd Izwa Md Yusof, Muhd Najib Abdul Kadir & Mazlan Ibrahim (2019). *Golongan LGBT & Penyelewengan Tafsir*. Penerbit Universiti Kebangsaan Malaysia.
- Namri Sidek (2018). Sejarah dan Asal-Usul Perkataan Gay & Lesbian. Dicapai dari: <https://iluminasi.com/bm/asal-usul-perkataan-gay-dan-lesbian.html>



SENARAI PENYUMBANG

ABDULLAH BUKHARI ABDUL RAHIM (al-Hafiz) adalah pensyarah di Jabatan Tilawah al-Quran, Pusat Bahasa, Universiti Islam Antarabangsa Malaysia. Memperolehi Diploma Tahfiz al-Quran dan Qira'at dari Darul Quran JAKIM, Sarjana Muda Usuluddin (al-Quran dan al-Hadith) dan Sarjana Usuluddin (Tafsir al-Quran) dari Universiti Malaya. Bidang pengkhususannya adalah Tajwid, Tahfiz, dan Tafsir al-Quran. Beliau banyak menulis buku dan rencana dalam akhbar serta majalah tempatan. Beliau juga terlibat dengan kerja dakwah dengan mengganggotai beberapa NGO dakwah tempatan seperti MURSHID (Multaqqa Asatizah dan Pendakwah Malaysia) dan Pertubuhan Fajar Iman Matahari Terbit Malaysia. Selain itu beliau banyak muncul dalam rancangan agama beberapa TV tempatan seperti U-Turn, Pentas Dakwah, Aku Bukan Malaikat, Labbaikallah, Dakwah Live, Analisis, Forum Perdana Ehwal Islam, Fikrah, Tabayyun, Tazkirah Malam Jumaat, Bismillah ad-Duha dan sebagainya.

AHMAD ‘ARIF MOHD ARSHAD dilahirkan di Klang, Selangor, merupakan Ketua Jabatan Pematuhan Syariah di sebuah bank tempatan di Kuala Lumpur. Memperolehi pendidikan awal di Kolej Islam Sultan Alam Shah Klang sebelum menamatkan pengajian dalam bidang Syariah Islamiah Universiti Al-Azhar Mesir pada tahun 2001. Melanjutkan pengajian di peringkat Masters dalam bidang Fiqh Usul Fiqh di Universiti Islam Antarabangsa Malaysia. Memulakan karier dalam bidang penterjemahan Bahasa Arab di Al-Jazeera Arabic Astro sebelum menceburi bidang perbankan Islam sejak tahun 2005 sehingga kini. Aktif dalam mengajar ilmu memanah tradisi untuk masyarakat awam di samping menyampaikan kuliah-kuliah agama di masjid-masjid dan surau-surau di Lembah Klang tentang ilmu-ilmu akhir zaman.

ASMA' HARUN merupakan Pendakwah/penceramah bebas dan dikenali sebagai Motivator. Pengalaman beliau sebagai Pegawai Hal Ehwal Agama Islam JAKIM, Penolong Pengarah Bahagian Undang-undang keluarga Islam JHEAINS iaitu sebagai Perundingcara rumahtangga selama empat tahun dan bekas Penolong Pengarah Bahagian pengurusan Halal JHEAINS selama 2 tahun. Beliau telah meletakkan jawatan pada Ogos 2017. Beliau juga bekas Ahli Lembaga Pengarah Tahfiz Darul Ulum Negeri Sembilan selama setahun. Beliau telah berkahwin dan memiliki tujuh orang anak. Berasal dari Terengganu dan menetap di Seremban, Negeri Sembilan. Pendidikan tertinggi beliau ialah Master, Pengajian Islam, Open Universiti Malaysia iaitu Ijazah Sarjana Muda, Syariah al Azhar, Mesir. Beliau juga dikenali sebagai pendakwah selebriti, panel undangan Tazkirah Malam Jumaat, Tausiyah Ustazah Asma' di TV Al Hijrah dan panel undangan Wanita Hari Ini di TV3.

MEK WOK MAHMUD (PhD) merupakan seorang Profesor Madya di Jabatan Feqah dan Usul-Feqah, Universiti Islam Antarabangsa Malaysia (UIAM). Mendapat pendidikan awal di Sekolah Agama Sultan Ismail Dungun, kemudian melanjutkan pelajarannya di Kolej Ugama Sultan Zainal Abidin, (UNISZA). Memperolehi Ijazah pertama dalam Jurusan Undang-undang pada tahun 1989 dan Diploma dalam bidang Pendidikan pada tahun 1990. Seterusnya Ijazah Sarjana dalam bidang Ilmu Wahyu di UIAM. Kemudiannya menyambung pengajian ke peringkat Phd. Dalam bidang Syariah di International University of Khortoum, Sudan. Pada tahun 2006-2010 beliau dilantik menjadi Ketua Jabatan Feqah dan Usul-Feqah, dan Timbalan Dekan Pasca Ijazah di kuliyyah Islamic Revealed Knowledge and Human Sciences, IIUM pada tahun 2012-2015. Beliau kini dilantik sebagai Pengurus Muslimat Persatuan Ulama Malaysia (PUM) dan banyak membentang kertas kerja di forum dan seminar serta dijemput menyampaikan ceramah dalam pelbagai bidang yang berkaitan dengannya.

MOHAMMAD DHIYA'UL HAFIDH FATAH YASIN (PhD) adalah pensyarah di Fakulti Pengajian Islam, Kolej Universiti Islam Perlis (KUIPs). Memperolehi Sarjana Muda Hadis dan Pengajian Islam dari Universiti Islam Madinah, Sarjana Usuluddin dari KUIN (kini UNISHAMS) dan Doktor Falsafah Pengajian Qur'an dan Sunnah dari UIAM. Penulisan beliau ialah berkaitan pemerkasaan ummah, isu-isu

domestik, serta bidang pelancongan Islam. Beliau juga aktif dalam bidang editorial. Menjadi editor semasa bertugas di MAIPs, UIAM dan kini di KUIPs. Beliau juga merupakan panel Syariah dan Akidah Jabatan Mufti Perlis sejak 2017 sehingga kini.

MOHD AZRUL AZLEN ABD HAMID (PhD) ialah seorang Penolong Profesor dalam bidang bahasa Arab di Jabatan Bahasa Arab, Kulliyyah Bahasa dan Pengurusan, Universiti Islam Antarabangsa Malaysia. Beliau memperoleh ijazah sarjana muda dalam bidang Bahasa Arab dan Kesasteraan dan ijazah sarjana dalam bidang terjemahan dari Universiti Islam Antarabangsa Malaysia. Beliau seterusnya menerima ijazah kedoktoran falsafah dari University of Jordan. Beliau turut menceburi penyelidikan teks agama dengan mempelajari ilmu al-Quran dan tafsir semasa berada di Jordan. Antara sumbangan pemikiran beliau adalah dalam lapangan bahasa Arab dan tadabbur al-Quran. Beliau juga merupakan salah seorang penulis di Telaga Biru Sdn. Bhd. dan menjadi kolumnis tetap majalah Solusi. Selain itu, beliau aktif sebagai penyampai segmen al-Quran di TV Alhijrah, RTM dan Radio IKIM.

MOHD PUZHI USOP (PhD) berasal dari Melaka. Graduan sarjana muda dan Diploma Pendidikan IIUM. Kemudian melanjutkan pelajaran di peringkat sarjana dan doktor falsafah di Universiti Malaya (UM) dalam bidang pengajaran bahasa Arab. Bertugas sebagai pensyarah bahasa Arab di Centre for Languages and Pre-University Academic Development (CELPAD), IIUM sejak 1999. Kini menjawat jawatan sebagai Ketua Jabatan Training & Iqra' Unit, CENTRIS, IIUM.

MUHAMMAD MUTHI'UL HAQQ FATAH YASIN (al-Hafiz) ialah pensyarah di Kolej Universiti Islam Perlis (KUIPs) bermula pada bulan Mac 2019 sebelum memegang jawatan Ketua Jabatan Pengajian Kontemporari Islam di Fakulti Pengajian Islam universiti tersebut bermula 1 Oktober 2019. Sebelum menjadi pensyarah, beliau aktif sebagai pendakwah bebas di negeri Perlis dan banyak terlibat dengan program keagamaan sama ada di peringkat negeri Perlis atau melibatkan tetamu-tetamu dari luar negara. Berkelulusan Bahasa Arab di peringkat ijazah Sarjana Muda, Universiti al-Azhar cawangan Itai al-Barud dan sarjana di Kolej Universiti Insaniah atau dikenali pada hari ini sebagai Universiti Sultan Abdul Halim Shah (UNISHAM). Tesis peringkat Doktor Falsafah

beliau pula menyentuh tentang Fiqh Sunnah. Banyak menulis kertas kerja dalam isu-isu fekah kontemporari untuk dibentangkan dalam mesyuarat jawatankuasa fatwa negeri Perlis. Terkini beliau masih lagi aktif sebagai seorang pensyarah, pendakwah, imam, penggerusi masjid kariah dan ahli panel Syariah Jabatan Mufti Negeri Perlis.

NOOR AZMA MOHAMAD KHASSIM merupakan pensyarah di Jabatan Usuluddin Universiti Sultan Azlan Shah Kuala Kangsar, Perak. Merupakan lulusan Usuluddin Universiti Malaya di Jabatan Quran dan Hadith. Melanjutkan pengajian Sarjana Ilmu Wahyu di Universiti Islam Antarabangsa, Jabatan Quran dan Sunnah. Seterusnya menyelesaikan penyelidikan kedoktoran berkaitan pemikiran Imam Bediuzzaman Said Nursi di dalam prinsip-prinsip memahami hadith khususnya hadith-hadith akhir zaman di Universiti al Quran al Karim Omdurman, Sudan. Area kajian dan penulisan ialah berkaitan *Rasail Nur*, Hadith-hadith akhir zaman dan kajian turath ulama Melayu Nusantara.

NOR ZATU AMNI MOHAMAD (w) merupakan salah seorang guru di Pusat Bahasa Darul Ulum (PADU), Pokok Sena, Kedah di mana beliau diamanahkan untuk mengajar subjek al-Qur'an, Pendidikan Syariah Islam dan Tasawur Islam. Beliau telah memperoleh ijazah sarjana muda, ijazah sarjana dan ijazah kedoktoran falsafah beliau daripada Universiti Islam Antarabangsa Malaysia (UIAM). Bidang kajian beliau adalah berkaitan tafsir al-Qur'an dan fiqh wanita. Antara penulisan beliau yang pernah diterbitkan ialah berkaitan kisah suami isteri dalam al-Qur'an.

NURUL JANNAH ZAINAN NAZRI (PhD) ialah Penolong Profesor di Jabatan al-Quran dan Sunnah, Fakulti Ilmu Wahyu. Bidang Pengkhususan beliau adalah hadith dan isu-isu kontemporari. Kajian-kajian ilmiah beliau sering menyentuh kepada aplikasi ilmu hadith sebagai solusi kebejatan zaman moden. Isu-isu moral antara manusia sesama manusia dan alam sekitar menjadi tunjang kajian. Beliau amat komited dalam menjadikan al-Qur'an dan Hadith sebagai kayu ukur utama dalam mengharungi era globalisasi. Karya-Karya beliau boleh didapati di dalam jurnal-jurnal nasional dan antarabangsa.

QURROTUL AIEN FATAH YASIN merupakan seorang pendakwah dan penulis sepenuh masa. Beliau mendapat pendidikan menengah di Kolej Islam Sultan Alam Shah (KISAS), Klang, ijazah Sarjana Muda dalam bidang hadis di Universiti al-Azhar, Mesir dan ijazah sarjana pengajian Islam dan Ilmu Wahyu di Universiti Islam Antarabangsa Malaysia (UIAM). Berpengalaman sebagai pendidik di beberapa buah sekolah rendah, menengah dan pensyarah universiti di Malaysia, menyampaikan ceramah motivasi serta mengisi kuliah-kuliah agama dalam kalangan masyarakat umum, pelajar dan staf-staf di pejabat. Beliau juga menyusun beberapa modul dakwah dan menulis karya yang meliputi tema hadis, wanita, rumah tangga, pengurusan hati dan sebagainya. Selain itu, beliau juga menulis karya bersama dan menyunting beberapa karya tokoh-tokoh agama. Antara karya utama beliau ialah buku ‘Rahsia Wanita Syurga’, ‘Cara Mudah Menguasai Ulum Hadis’, ‘Andai Ini Ramadhan Terakhirku’ dan ‘Menggapai Cinta Ilahi’.

RAUDLOTUL FIRDAUS FATAH YASIN (Phd) dilahirkan di Kuching, Sarawak dan menerima pendidikan awal di Sekolah Menengah Kebangsaan Agama Perempuan Kangar sebelum menamatkan bangku sekolah di Maahad Fatayat Abasiah Al-Azhar, Mesir. Memperolehi sarjana muda dalam bidang Usuluddin Tafsir dari Universiti Al-Azhar, Mesir pada tahun 2001. Menyambung pengajian di peringkat Masters di INSANIAH Kedah (UNISHAMS) sehingga tahun 2003. Memperolehi Masters dalam bidang Pengajian Quran dan Sunnah di Universiti Islam Antarabangsa Malaysia pada tahun 2006 dan Phd dalam bidang yang sama pada tahun 2012. Kini bertugas sebagai pensyarah kanan di Jabatan Quran dan Sunnah UIAM dan Timbalan Pengarah Masjid Sultan Haji Ahmad Shah, CENTRIS, UIAM. Beliau telah menerbitkan lebih enam puluh karya berbentuk artikel dan buku-buku ilmiah yang bersifat akademik dan separa akademik di peringkat tempatan dan antarabangsa.

SOFIAH SAMSUDIN (PhD) kini berkhidmat sebagai penolong profesor di Jabatan Pengajian Al-Qur'an dan Sunnah, KIRKHS, UIAM, bermula tahun 1996 sehingga sekarang. Beliau memperolehi ijazah sarjana dari University of Jordan Amman, Jordan, pada Disember tahun 1995 dalam bidang ‘Ulum al-Qur'an dan Tafsir. Pada tahun 2003, beliau memperoleh PhD dalam bidang ‘Ulum al-Qur'an dan Tafsir dari Universiti Kebangsaan Malaysia UKM. Beliau telah menulis beberapa buku dalam Ulum al-

Qur'an, seperti "Pengenalan Kajian Ulum Al-Qur'an", Ismail Haqqi Al-Burusawi dan Manhaj Penulisan dalam Tafsirnya Ruh al-Bayan, Al-Wihdah al-Maudhuiyyah fi Surah Yasin, Dzahirah al-Liwat fi Indonesia wa Turuq 'Ilajihi dan lain-lain. Mengendali halaqah tafsir bagi wanita sejak 2004 hingga sekarang. Beliau juga telah diamanahkan sebagai salah seorang pakar dalam penggubalan Modul Pasca Perkahwinan di bawah Jabatan Kemajuan Islam Malaysia JAKIM. Beliau berkhidmat sebagai Ketua Jabatan Pengajian Al-Qur'an dan Sunnah dari tahun 2008 hingga 2009. Beliau juga telah diamanahkan untuk mengajar mata pelajaran yang berkaitan dengan Pengajian Al-Qur'an di peringkat sarjana muda, dan juga beberapa kursus di peringkat sarjana, antaranya ialah Ulum al-Quran, Al-Tafsir al-Maudhu'i, al-Tafsir al-Tahlili, al-Khitab al-Qur'ani, al-Dirasah al-Tahliliyyah fi` Ulum al-Qur'an dan al-Qira'ah al-Nassiyah fi kutub al-Tafasir dan lain-lain.

INDEKS

A

Abu Taybah 121–123
Ahmad 4, 17, 20–22, 30, 33, 71, 80, 84,
94, 97, 115–116, 118, 142, 165
Aisyah r.a. 64–65, 69, 82–83
Al-Asfar Ibn Al-Ruum Ibn ‘Aysuu Ibn
Ishaq Ibn Ibrahim 133
al-Dabbah 13
al-Dukhan 13
Al Farabi 99
al-Ghifari 12
Al-Qurtubi 70–71, 133, 162
Al-Razi 61–62
Amanah 18, 84, 96, 109, 122
Amwas 14
Asiyah 104–106, 112
Asiyah binti Muzahim 104

B

Badi’uzzaman Said Nursi 8
Badwi 18
Bait al-Maqdis 14
Burj Dubai 138

D
Dajjal 131, 138, 142
Dr. Muhammad al-Arif 169
Dr. Wahbah al-Zuhayli 59

E

Eddie Redzovic 135

F
Fiqh Tahawulat 47
Firaun 104–106, 178–179
fitnah 7, 9, 11, 17, 21, 30, 33, 43–44,
51–52, 82, 86–88, 90, 92, 96, 100,
109, 122, 142

G

Gerhana 13, 20

H

Hanbali 99
Hijaz 14–15, 141

I

Ibadah 12, 29, 87, 125, 130, 133, 142
Ibn ‘Asyur 58–59, 68, 72
Ibn Kathir 22, 34, 41, 58–59, 70, 74,
178
Ibn Khaldun 99
Ibn Majah 133, 143
Ibn Sina 99
Ibn Taimiyyah 126

- Ibnu Daqiq 137–138, 143
Ibnu Qayyim 126, 128
Ibrahim 163
Ihsan 43–45, 103
Imam Al-Jawzi 135–136, 139
Imam Nursi 45–48, 50–52
Imam Syafie 99
Ismail Kamus 125, 128
Isparta 45
- J
- Jibrail 19
- K
- Kamal Ataturk 46
Khadher Ahmad 116
kiamat 1–2, 5, 7–8, 12–21, 23–24, 27–
29, 34–35, 38, 40, 42–44, 62, 70, 76,
85–87, 90, 92–96, 129–130, 136–137,
141–143
Kingdom Tower 138–139
Kisra 16, 104
- M
- Madinah 15, 21, 69, 82–83, 130–133,
142, 158, 169, 186
Mahdi 46
Maliki 99
Maryam binti Imran 106–107
Masjidil Aqsa 132–133
Masjidil Haram 132–133, 138
Micheal Jackson 135
Mike Tyson 135
Mohd Farhan Arifin 117
Monggol 16
Mubarak Tower 138
Musa 97, 105
- N
- Nabi Isa a.s. 13, 16, 34–35, 104, 108,
141
Nabi Ishaq 133
Nabi Lut a.s. 108, 110–113, 154
Nabi Muhammad SAW 1, 3, 23, 46,
57, 59, 61–62, 86, 118, 130, 134, 172
Nabi Nuh a.s. 59, 61–62, 109–113
Nabi Zakaria a.s. 107
Najad 17
Nihayah al-'Alam 130
- P
- Persatuan Kebajikan dan Pengubatan
Islam 116, 118
Pertubuhan Kesihatan Dunia (WHO)
100
- Q
- Quraisy 59
- R
- Rasail Nur* 46, 188
Riba 20, 130, 168
Rusia 46
- S
- Sadom 110–111
Said bin Mirza 45
Said Jadid 46
Said Qadim 45
Sayyid Qutb 62
Sheikh Abu Bakar al-Adni 47
Syeikh Abul Barra 126
Syeikh Ali Qutb 105
Syeikh Wahid Abdus Salam 126

Indeks

T

Tinjauan Kesihatan dan Morbiditi
Kebangsaan (NHMS) 100, 139
Tuan Guru Haron Din 116
Turki 16, 45

U

Ummu Salamah 121–122
Urfā 45–46

Usamah bin Yasin Al-Ma'aniy 126
Ustaz Ahmad Dusuki Abd Rani 116

Y

Yahya bin Abi Al Mutha' 133
Yakjuj 13
Yaman 3, 13, 17
Yathrib 131
Yusuf Estes 135